



Na osnovu člana 195., 196. i 234. tačka (e) Zakona o privrednim društvima („Službene novine FBiH“ br. 81/15), člana 6. i 40. Zakona o javnim preduzećima u Federaciji BiH ("Službene novine FBiH“ br. 8/05, 81/08, 22/09, 109/12) i člana 62. tačka 6. Statuta Javnog preduzeća Elektroprivreda Bosne i Hercegovine d.d. – Sarajevo, broj: SD-5211/16 -38/2. od 29.03.2016. godine, Odluke Uprave Društva o prijedlogu isplate dividende iz akumulirane (zadržane) dobiti JP Elektroprivreda BiH d.d. - Sarajevo broj: U-01-18142/18-183/2 od 29.06.2018. godine, uz Mišljenje Nadzornog odbora, broj: NO - 18295/18 – 78./1.2. od 02.07.2018. godine i Mišljenje Odbora za reviziju, broj: 69/OR/18 od 02.07.2018. godine, na Pedeset i prvoj (vanrednoj) Skupštini Društva održanoj dana 19.07.2018. godine, Skupština Društva je donijela:

**ODLUKU**  
**o isplati dividende iz akumulirane (zadržane) dobiti**  
**JP Elektroprivreda BiH d.d. - Sarajevo**

**Član 1.**

Dio akumulirane (zadržane) dobiti, prema revidiranim finansijskim izvještajima za 2008. godinu, 2009. godinu, 2011. godinu, 2012. godinu, 2013. godinu, 2014. godinu i 2016. godinu i raspoređene odlukama Skupštine Društva u dobit za investicije/zadržana dobit (broj: SD-13-12430-3./09 od 24.06.2009. godine, broj: SD- 17-11500-3./10 od 30.06.2010. godine, broj: SD-13877/12-26/3. od 26.06.2012. godine, broj: SD-15174/13-28/3. od 26.06.2013. godine, broj: SD-16205/14-32/3. od 26.06.2014.godine, broj: SD – 14747/15-35/3. od 25.06.2015. godine, broj: SD – 16376/17 – 46./3. od 23.06.2017. godine) u iznosu od **69.714.094,75 KM** se raspoređuje za isplatu dividende dioničarima.

**Član 2.**

Dividenda iz člana 1. ove Odluke će se isplatiti dioničarima, koji su na dan donošenja Odluke Skupštine Društva registrovani kod Registra vrijednosnih papira u svojstvu dioničara Društva, proporcionalno njihovom učešću u kapitalu Društva, odnosno u visini **2,212686 KM po dionici**.

**Član 3.**

Dividenda iz člana 1. ove Odluke će se isplatiti u roku od 90 dana od dana donošenja ove Odluke, dioničarima na njihove račune otvorene kod poslovnih banaka.

Obavještenje o isplati dividende će se objaviti se na web stranici Društva i u jednim dnevnim novinama u BiH u roku od sedam (7) dana od dana donošenja ove Odluke na Skupštini Društva.

#### Član 4.

Dioničari koji imaju pravo na dividendu, dužni su u roku 30 dana od dana objavljivanja obavještenja iz člana 3. o isplati dividende dostaviti Društvu broj svog računa kod poslovne banke za uplatu dividende. Navedeni rok za dostavu računa, kod poslovnih banaka, odnosi se na dioničare koji:

- pravo ostvaruju prvi put i
- dioničari kod kojih je došlo do promjene računa.

Dioničarima kojima je isplaćivana dividenda po osnovu rezultata poslovanja za ranije godine, a koji u roku iz stava 1. ovog člana ne dostave račune za uplatu dividende ili izmjenu računa, isplata dividende će se izvršiti na račune na koje je ranije izvršena uplata dividende.

Dioničarima kojima se prvi put isplaćuje dividenda, a koji ne dostave račune za uplatu dividende u roku iz stava 1. ovog člana, Društvo neće biti u mogućnosti izvršiti uplatu dividende do dostavljanja računa.

Dioničarima koji nisu dostavili račun za uplatu dividende u roku iz stava 1. ovog člana, isplata dividende će se izvršiti u roku od 30 dana od dostavljanja računa za uplatu dividende.

U slučaju nedostavljanja računa za uplatu dividende, dioničari nemaju pravo potraživanja po osnovu kamate ili bilo koje druge naknade za period u kojem su sredstva bila na računima Društva.

#### Član 5.

Za izvršenje ove odluke zadužuje se Uprava Društva.

#### Član 6.

Ova Odluka stupa na snagu danom donošenja.

Broj: SD - 18295/18 – 51./3.  
Sarajevo, 19.07.2018. godine

Predsjednik  
Skupštine Društva

Jasmina Pašić

